

# SCRIPTA

---

**Numéro Scripta :** 1044

**Auteur(s) :** Richard III, Avranches (évêque)

**Bénéficiaire(s) :** Robert de Longvillers [chevalier]

**Bénéficiaire(s) :** Robert, Longvillers (clerc)

**Genre d'acte :** charte

**Authenticité :** non suspect

**Datation :** ...1176...

**Action juridique :** règlement conflit

**Langue du texte :** latin

## Analyse

Richard, évêque d'Avranches, notifie le jugement qu'il a rendu au sujet d'un différend entre le chevalier Robert de Longvillers et le clerc Roger sur la moitié du patronage de l'église de Saint-Vigor de Longvillers.

## Tableau de la tradition

### Éditions principales

a. Bourrienne Valentin (Abbé), *Antiquus cartularius ecclesiae Baiocensis (Livre noir)*, Rouen-Paris, Lestringant-Picard (Société de l'histoire de Normandie), 1902-1903, 2 vol., n° CCLIII, t. 1, p. 300-301.

## Dissertation critique

Datation proposée par V. Bourrienne.

Texte établi d'après a

Omnibus fidelibus ad quos praesens scriptum pervenerit, Ricardus, Dei gratia Abrincensis episcopus, in Domino Domino salutem. Tam futuris quam praesentibus notum fieri volumus quod, cum Robertus, miles de Longvillers, et Rogerus, clericus, ad nostram praesentiam accessissent pro medietate ecclesiae Sancti Vigoris de Longvillers, de qua inter eos diu litigatum fuerat, et miles praenominatus illam iudicio curiae domini papae in nostro conspectu rationabiliter fuisset adeptus, ipse eumdem clericum de illa medietate sibi adquisita nobis praesentavit, et nos ipsum, auctoritate domini papae freti et nostra, de eadem investivimus, et perpetuam personam instituímus, excepto hoc quod Nicholaus, clericus de Barbevilla, quartam partem proventuum ejusdem ecclesiae, quam diu vixerit, habebit. Post obitum vero ipsius, si forte Rogerus clericus superstes fuerit, totam possessionem ecclesiae integraliter possidebit. Propalandum autem est quod miles praetaxatus se nunquam, in posterum, super hoc controversiam moturum adversus clericum fide corporaliter praestita asseruit. Clericus vero ei, tanquam patrono, quandiu valeret possessionem ab eo datam conservare integram, interposito similiter fidei vinculo, se pariturum confirmavit. Hoc autem, ut ratum et inconcussum maneret, nostri sigilli impressione communire curavimus, sub hiis testibus : Stephano, abbate Sancti Severi ; Rogero, praecentore Abrincensi ; Willelmo, thesaurario ; magistro Georgio ; Willelmo, presbitero, fratre suo ; Roberto de Veimo ; Rualemo de Campania ; Ranulfo de Dampnipetro ; Roberto de Longvillers ; et aliis quam pluribus.